

冷

廬

醫

話

冷廬醫話卷三

桐鄉 陸以活 定圃氏著

形體

鼻之下口之上爲水溝穴名爲人中其說有二一謂自此而上目耳鼻皆雙竅自此而下口及二便皆單竅上三畫陰下三畫陽合成泰卦也一則謂天氣通於鼻地氣通於口天食人以五氣鼻受之地食人以五味口受之穴居其中故名之曰人中見程雲來醫暇后言膀胱或謂有上口無下口或謂有下口無上口張景岳李士材亦主此說人皆信之而不知其非也若無上下

口何以有交腸之病乎吳縣沈實夫果之獨謂上下皆有口而上口常閉水之入於膀胱仍是三焦化入而非從上口以入若腑氣大虛則力乏而竅不能閉或邪熱傷腑則主開泄而竅亦不能閉甚至有交腸之病糞從小腸下口入膀胱上口並隨小便而出譬如人身之外竅臍孔與兩耳兩乳亦常閉而不開有故則或出膿血或通乳汁膀胱之上口亦可以類推矣此論最爲近似余按唐與正治吳巡按病不得洩臥則微通立則不能涓滴詢知常服黑錫丹因悟結砂時鉛不死硫黃飛去鉛沙入膀胱臥則偏重猶可洩立則正塞水道以故不

取液丹三百粒分爲十服煎瞿麥湯下之膀胱得硫黃積銹成灰從水道下猶累累如細砂病遂愈觀此益可證膀胱之有上下口也

### 中風

中風最宜辨閉脫二症閉症口噤目張兩手握固痰氣壅塞語言蹇澁宜用開竅通絡清火豁痰之劑如稀涎散至寶丹之類脫症口張目合手撒遺尿身僵神昏宜用大補之劑如參附湯地黃飲子之類然閉症亦有目合遺尿身僵神昏者惟當察其口噤手拳面赤氣粗脈大以爲別脫症亦有痰鳴不語者惟當辨其脈虛大以

爲別至於閉症氣塞亦有六脈俱絕者不得以其無脈而遂謂是脫症也

傷寒

徐靈胎傷寒類方白頭翁湯注云凡下重者皆屬於熱按金匱要略云小腸有寒者其人下重便血是則下重不專屬於熱矣特熱症較多當察脈症治之不可執一陽明主闔故其病爲胃家實太陰主開故其病爲自利胃家實者是胃液燥竭也故必渴藥用梔豉白虎人參竹葉石膏承氣等以存津爲主自利者是脾臟寒濕也故不渴藥用理中四逆等溫中爲主

傷寒論桃花湯症或以爲寒或以爲熱或以爲寒熱不  
調或以爲先熱後寒持論不一獨沈棣懷醫學三書論  
至爲詳確備錄之陽病下利便膿血協熱也陰病下利  
便膿血下焦不約而裏熱也與桃花湯固下散寒成氏  
此注深合仲景之旨蓋少陰傳經熱病病於少陰之經  
實結於胃少陰直中之寒症病在本臟下焦虛寒矢閉  
藏之職故用溫補以散裏寒而固腸胃準繩反以成氏  
釋裏寒爲非豈不思熱而用固腸收瀉之劑則熱何由  
去耶吳緩謂此症三陽傳來純是熱病赤石脂性寒假  
乾薑以從治之彼蓋見血爲熱不知有形之血必賴無

形之氣以固之下焦虛寒不能固血非溫補不能助陽  
以攝陰何必陽病熱而始使膿血哉赤石脂性溫丹溪  
東垣皆云然吳緩何據而謂其寒喻昌頗知仲景救陽  
之意而於此條亦以爲熱症乃云滑脫卽不可用寒藥  
何以仲景於自下利者多用黃芩黃連耶白頭翁又何  
爲耶其注支離矛盾學者當細詳之以括按下利熱多  
寒少其辨少陰寒  
利之法汪苓友傷寒辨症廣注言之最悉附錄於此少  
陰裏寒使膿血色必黯而不鮮乃腎受寒濕之邪水穀  
之津液爲其凝立爲膿於腸胃之中而爲膿血非若火  
性急速而色鮮明蓋水伏已久其色黯黑其氣必臭其  
脈必微細但神氣靜而腹喜就  
溫欲得手按之而腹痛乃止

陰證

症陰陽疑似最難辨別卽如厥有陰陽二症李士材謂陰厥脈沈弱指甲青而冷陽厥脈沈滑指甲紅而溫以此爲辨蒲城王竹坪先生夢祖傷寒撮要採之以爲此說最精留心體驗之百不一失然觀續名醫類案疫門載施幼升六月患時疫口燥舌乾苔刺如鋒咽喉腫痛心腹脹滿按之痛甚渴思冰水小便赤澀得涓滴則痛甚此當急下之症也惟通身肌表如冰指甲青黑六脈如絲尋之則有按之則無醫者引陶氏全生集以爲陽症但手足厥逆若冷過肘膝便是陰症況通身微冷乎又陶氏謂陰陽二症全在脈之有力無力中分今已



脈微欲絕按之如無比無力更甚遂進附子湯煩燥之  
極不逾時竟殞觀此知陰症似陽又未可以脈沈弱指  
甲青冷爲憑余按成無已曰凡厥者始得之手足便厥  
而不溫者是陰經受邪陽氣不足可用四逆湯若手足  
自熱而至溫從四逆而至厥者傳經之邪也四逆散主  
之此說辨別至爲精審又凡六氣之感異於傷寒之傳  
經者惟舌較爲可憑陰症亦有黑胎焦黃胎然其胎必  
浮胖或滑潤而不枯此等處非細心體察鮮不致誤上  
王協中敬義度癘溯源載吳門汪姓患疫症適當盛暑  
體厥四肢冷極脈虛醫用參附并四逆等藥遂至危殆  
及延余診見其咬碎唇舌周身赤斑成片形飽而口中  
語妄不成語句脈參伍極亂已無下手處矣以此合魏

案觀之知陽症陰脈誤投  
溫熱必至殺人可不懼哉

右所述通身肌表如冷指甲青黑六脈如絲進附子湯  
而殞此陽症似陰誤作陰症治而死也亦有陰症似陽  
誤作陽症治而死者黃退庵症治指要云一婦小產後  
身作大熱舌黃脈大口乾大便多日不解醫者不辨其  
假而用白虎湯一服便通熱緩病家大悅余診之謂此  
乃格陽於上其方不可再服必當溫補問既係虛症何  
昨日服藥大便通熱勢解耶余曰此大便之結如寒月  
水澤腹堅其通者幾微元陽爲寒涼所逼而出其熱勢  
減者亦因寒涼濯濯暫爲退舍脈象浮大軟如絲絮急

服八珍湯尙恐無及其家不信醫來復診見有應效仍  
用前方加麥冬五味子服後兩目直視循衣摸牀一晝  
夜而終悔無及矣余按凡寒在內而格陽於外寒在下  
而格陽於上此爲無根之火症見煩躁欲裸形或欲坐  
臥泥水中舌苔淡黃口燥齒浮面赤如微酣是爲戴陽或兩  
顴淺紅游移不定與實熱症之盡面通紅者異天言語  
無力納少胸悶渴欲飲水或咽喉痛而索水至前復不  
能飲肌表雖大熱而重按則不熱或反覺冷或身熱反  
欲得衣且兩足必冷小便清白下利清穀亦有大有大便燥結者脈  
沈細或浮數按之欲散亦有浮大滿指而按之則必無

力是宜溫熱之劑如八味丸等藥須涼服從其類以求之也

### 暑

陸麗京醫林新論謂人之游於暑月而清明在躬者恃有元氣以勝之世俗夏月輒服香薷飲不知香薷性味辛溫走散真氣厚朴氣力辛猛摧陷元陽招暑引邪無過於此更有服六一散者不知甘草性雖和平而向有中滿喘脹及胸多積滯者亦不宜概用滑石利竅表虛者服之則衛氣不固遺滑者投之則精關不守此又不可不審也孫真人以爲虛弱之人暑月當服生脈散又

云夏月常服五味子以補五臟之氣余則以爲尋常湯  
飲須用烏梅沙糖湯尋常水飲須用梅漿水此既補元  
又能消暑況兼爽口貧者可以通行又見有夏月施茶  
茗者其性寒涼消尅暑月之人元氣已自摧殘而勞傷  
困憊正藉資扶乃更飲茶茗重虛其虛冷飲則腹痛泄  
瀉熱飲則散表出汗胃氣一虛不覺暑氣透入忽而長  
途昏倒痧悶叢來變生俄頃皆此地之爲而人未之知  
也此後有施湯飲者熱湯宜調入砂糖少許冷水宜調  
入梅漿少許如有梅漿亦可入砂糖少許收斂真氣大  
助元神既飲之後兩目神明頓爽兩足精力湧出飢即

青葉板藍根亦可隨意加入再兼症或有身痛肢軟即  
暑風流走肢體參用防已秦艽桑枝一二味可也總之  
此症留戀手太陰肺經居多故用藥宜輕清宣解不必  
用苦寒沈降之品誅伐中下二焦無過之地

霍亂轉筋

俗稱吊腳痧

山陰田雪暉明經

育元

著時行霍亂指迷辨正世俗所

稱吊腳痧一症以爲此真寒直中厥陰肝經卽霍亂轉  
筋是也初起先腹痛或不痛瀉利清水頃刻數十次少  
者十餘次未幾卽手筋抽掣嘔逆口渴恣飲手足厥逆  
脈微欲絕甚則聲嘶舌短目眶陷自上視手足青紫色

或偏身青筋硬凸如索汗出脈絕急者旦發夕死夕發

旦死緩者二三日或五六日死世醫認為暑濕妄投涼

瀉或認為痧氣妄投香散十香九散鮮有不斃宜用當

歸四逆加吳茱萸生薑湯宮歸二錢沙白芍錢半桂枝錢半炙草一錢通草一錢吳

黃錢半細辛八分生薑三錢輕者二三劑一日中須服即

愈重者多服數劑立可回生百治百效真神方也如嘔

者本方加薑製半夏三錢淡乾薑一錢口渴恣飲舌黃

加薑炒川連五分為反佐經所謂熱因寒用也腹中絞

痛名轉筋人腹加酒炒木瓜三錢手冷遇肘膝色現青

紫加製附子三錢若聲嘶自上視舌卷囊縮脈已絕為

不治服藥亦無及速用艾灸法

臍下三寸關元穴用附子搗爛捏作餅如錢大

安穴上以龍眼大艾炷加其上灸十四壯重者三十壯

嘔瀉止厥回即愈如無附子用生薑切片如錢貼灸亦

可無薑貼肉灸亦妙病人腹內知溫嘔瀉即漸止量寸

法以病人中指中一節若干長爲一寸用草心候準量

之不可截斷只須縞此症種種皆肝經現症亦寒邪爲

作三叠即三寸矣

病可疑者口澀舌黃喜冷飲及不欲衣被兩症耳緣坎

中眞陽爲寒邪所逼因之飛越所謂內眞寒而外假熱

但以脈辨之自無游移矣有習用溫補之醫知此症爲

陰寒治用附子理中四逆等湯溫補脾腎究非直走厥

陰仍不能奏效余按此症自嘉慶庚辰年後患者不絕

其勢至速醫不如法立時殞命而方書罕有詳載治法



香特備述之以貽世云

許辛木云治疔腳痧莫妙於來復丹然硫黃須用真倭  
產如用土硫黃卽不驗而服此丹用小丸者每卽吐出  
惟作大丸臨用吞作末服雖吐亦不盡再服再吐少頃  
藥性發卽不復吐而愈用薑湯送下須極濃極辣乃佳  
道光辛巳此症盛行有搗濃薑汁頻服而愈者

熱

發熱有陽陷人陰者有陽浮於外者陽陷人陰者其熱  
自陰分達於陽分與瘧熱相似而實不同瘧爲陰陽交  
爭此爲陽陷於陰故但熱不寒若獨用表散藥則藥力

從陽分而泄何由入陰分引陽邪而出宜用孫真人柴

胡梅連散蓋以梅連攝柴胡入陰分而出之陽其邪乃

得去也

說見小兒諸熱辨

陽浮於外者乃表裏俱虛陽氣不歸

元而浮於外也宜以六神散入粳米煎和其胃氣陽氣

歸內身體自涼

說見急幼後

此二症一係外感一係內傷臨

症宜詳察之

柴胡梅連散

柴胡前胡各三錢

胡

黃連烏梅各一錢右吹咀每一錢童便一盞猪脂一枚

猪脊髓一條韭根白半錢同煎不拘時溫服 六神散

四君子加山藥

扁豆

薑水浸去殼炒

煨生薑

大棗

王孟英讀書精細最有卓識如論虞花溪治夜熱症獨

能辨前人之誤詳見古今醫案按選備錄於此

虞花溪治一婦年四十餘夜間發熱晨退五心煩熱無  
休止時半年後虞診其脈六部皆數伏而牢浮取全不  
應與東垣升陽散火湯然切記此法今人則竟從陰降火矣四服熱減大  
半胸中覺清快勝前再與二帖熱悉退後以四物加知  
柏少佐炒乾薑服二十餘帖愈

余按夜熱脈數的係陰虛因其脈伏且牢浮取不應故  
用升陽散火得效仍以陰藥收功然陰藥用六味及二  
地二冬必不效妙在芎歸合知柏及從治之炒乾薑也  
王孟英云此熱在血分而誤治半年其熱愈伏愈深故

脉症如是初用升陽散火所謂火鬱發之也後以炒乾薑佐四物知柏收功乃血分受病之專劑與陰虛生熱常用陰藥者治法有別誤用皆爲弋戟

江氏之注俞氏之論皆欠明晰無怪庸庸者之議藥不議病也

馮楚瞻曰潮熱之症有陰陽之分平旦潮熱自寅至申行陽二十五度諸陽用事熱在行陽之分肺氣主之日晡潮熱自申至寅行陰二十五度諸陰用事熱在行陰之分腎氣主之一以清肺一以滋腎若氣虛潮熱參芪熟附所謂溫能除大熱也血虛潮熱歸芍骨皮所謂養

陰退陽也其論潮熱頗詳如傷寒論所云日晡潮熱以陽明主於申酉戌之故則所謂行陽主肺氣行陰主腎氣乃渾舉之辭不可執一

熱入心胞

大人小兒咸證熱入心胞神昏識語者有犀角羚羊角運翹金銀花元參生地人中黃生甘草等味送下至寶丹往往獲效其有熱邪深入發瘧者亦宜以此療之世人遇小兒患此證者妄謂驚風用針挑之走泄真氣陰陽乖逆轉至不救

咸豐戊午秋日仁和司訓吳晉峯之孫女

十一歲

冒暑神

昏蔽諸發瘰余以前藥投之蓉峯之室人復延女醫視之謂是驚風以針挑之次日病勢轉劇而殞余甚訝藥之無靈深以爲歎庚申秋日避難北車塔村村中陳氏兒發熱神昏譫語發瘰余仍以前藥與之服藥後酣睡汗出似有轉機忽其戚某醫來視謂是驚風以針挑其胸腹其汗遂斂病益加重至夜卽斃同時余又治二人病情相同皆用前藥得瘰則皆不用針挑者也始知前二人之死非藥之咎實由誤認驚風而用針挑耳特誌之以示戒

疫

內經療疫小金丹古法今不能用近日所傳治瘟之方

劉松峯之五瘟丹製甘草

甲巳年為君

黃芩

乙庚年為君

黃柏

丙辛

年為君

梔子

丁壬年為君

黃連

戊癸年為君

香附

去淨細毛

蘇葉

圓頭者

蒼

朮

米泔浸

陳皮

以上四味為臣

雄黃

另研細

硃砂

另研細

製甘草法

立冬日取大青竹一頭截去節一頭留節納生甘草于內蠟封口浸糞坑中冬至取出曬乾聽用

草五味當以某年為君者多臣數之半如甘草二兩則

此外八味止用一兩雄硃二味又減半止用五錢於冬

至日將甘草等九味為末雄硃另研以一半入甘草等

藥末中為丸留一半為衣再用飛金為衣大人服者丸

如梧子小兒服者丸如黍米雪水生蜜為丸面東服五

十丸病輕日淺者一服愈病深日久者三四服愈忌一切厚味此方兼治醫戶一切熱症又解痘疹毒有力之家製丸施人功德無量至於避瘟之法用乳香蒼朮細辛生甘草芸香白檀香爲末棗肉丸焚之又以貫眾浸廚房水缸用之又雄黃二兩丹砂鬼臼石菖蒲各一兩共爲末井水調和塗五心及額上鼻中耳門辟瘟甚驗若入瘟家以麻油塗鼻孔出再取嚏則不染皆善法也而握要之法則如張景岳所云必節慾節勞仍勿忍飢而迎其氣尤爲得之

常州余師愚<sub>壽</sub>客中州時父染疫爲羣醫所誤及奔喪



歸視諸方皆不外治傷寒之法思此症必有以活人者  
公之於世稍釋隱憾因讀本草言石膏性寒大清胃熱  
味淡而薄能表肌熱體沈而降能泄實熱恍然大悟非  
此不足以治熱疫遇有其症投之無不獲效歷三十年  
活人不少遂著疫症一得二卷于乾隆五十九年自序  
刊行大旨謂吳又可辨論傷寒瘟疫甚晰如頭痛發熱  
惡寒不可認爲傷寒表症強爲發汗徒傷表氣熱不退  
又不可下徒損胃氣斯語已得其奧妙惟于從口鼻入  
不傳於胃而傳於膜原此論似有語病至用達原諸承  
氣猶有附會表裏之意惟熊任昭首用敗毒散去其瓜

牙繼用桔梗湯用爲舟楫之劑退胸膈及六經之熱惟  
 係妙法余采用其法減去硝黃以疫乃無形之毒難以  
 當其猛烈重用石膏直入戊己先搗其窠巢之害而十  
 二經之患自易平矣其方名清瘟敗毒散藥用生石膏  
 大劑六兩至八兩中劑二兩至  
 四兩小劑八錢至一兩二錢 小生地 大劑六錢至一  
 兩小劑二錢至四錢中劑一錢至二錢 眞川  
 錢至四錢 烏犀角 大劑六錢至一兩中劑三錢至  
 五錢小劑二錢至四錢中劑一錢至二錢 眞川  
 連 大劑六錢至一兩中劑二錢至四錢中劑一錢至二錢  
 加至四錢小劑一錢至二錢 生梔子 桔梗黃芩知母  
 赤芍元參連翹竹葉甘草丹皮以爲疫症初起或寒發  
 熱頭痛如劈煩躁譫妄身熱肢冷舌刺唇焦上嘔下泄  
 六脉沈細而數卽用大劑沈而數者用中劑浮大而數

者用小劑如癰一出卽用大青葉量加升麻四五分引毒外透此內化外解濁降清升之法治一得一治十得十以視升提發表而愈劇者異矣其所載治驗俱用石膏數兩犀角黃連數錢歸安江筆花醫鏡載治一時疫發癰用石膏至十四斤而癰始退蓋卽用其法也近陳載庵亦仿之而獲效王學權重慶堂隨筆云吳又可治疫主大黃蓋所論濕溫爲病濕爲地氣卽仲聖所云濁邪中下之疫濁邪乃有形之濕穢故宜下而不宜清余師愚治疫主石膏蓋所論者暑熱爲病暑爲天氣卽仲聖所云清邪中上之疫清邪乃無形之燥火故宜清而

不宜下二公皆卓識可爲治疫兩大法門允哉言乎

痧

陳載庵云痧症全書中滌痧丸失載其方余訪得之卽是龔雲林萬病回春所載白虎丸用千年石灰刮去雜色泥土爲末水飛過丸如桐子大每服五十丸再視病輕重加減燒酒送下此藥順氣散血化痰消滯治青筋北方謂之青筋初覺頭疼惡心或腹痛或腰疼或遍身作痛不思飲食卽進一服當時血散而愈若用砭刺之法耗損其血不若此方之神妙松峯說疫亦採此方謂霍亂痧靜皆治之惟青筋多生冷寒濕所致宜用燒酒至熱又治心腹痛及婦症或用冷水冷茶送服變通可耳

人崩漏帶下或久患赤白痢并一切打撲內傷血不能散服之皆大效載庵言以此藥施人治痧症獲效果捷千年石灰不可得用古墓中石灰可也

長洲龍青霏

柏

脉藥聯珠謂痧脹之症多屬奇經蓋奇

經爲十二經之支流也五臟之清氣不升六腑之濁氣不降譬猶五湖四瀆浸溢泛濫盡入江河而清濁已混更水甚土崩泥沙混擾流蕩不清并俞壅塞故其病有痧脹之名痧脹者猶沙漲也痧脹總由十二經清濁不分流溢入于奇經而奇經脉現則爲痧症也邪氣滯於經絡與臟腑無涉不當徒以藥味攻藏府宜先用提刮

之法及刺法使經絡既通然後用藥始堪應手其論痧症屬奇經未經人道理實確而可信也

咸豐六年夏秋之交杭州人患弔腳痧吐瀉腹痛足筋拘急不即救一二時即死傳有外治神方甚驗好善之家製藥施送救人不少乾霍亂症亦可治七年八月運司河下劉某患絞腸痧勢甚危險其鄰某知柴垛橋邊夏家有此藥急往乞取治之立愈余曰擊其效真神藥也茲錄其方并載藥價有力預備濟人功德無量麝香五錢錢十母丁香一百兩錢一獐桂心去皮一兩二換生入千九百錢二兩五錢錢二千五百又合藥工香附一兩錢十倭硫黃錢二百十小痧藥瓶五百三個錢六

百五 共藥七兩五錢每一瓶貯藥一分五釐每用一瓶

病重者用二瓶石藥研極細末分貯小瓶黃蠟封口用

時先將煖臍膏藥烘透倒藥末在中間卽向病者臍上

貼住一時卽愈

此方救病甚速然藥性猛烈不可服孕婦忌貼

絨腸痧卽乾霍亂濕病條辨謂由寒濕其驅濁陰以救

中焦之眞陽方用附子乾薑等熱藥傷寒論彙言謂此

症得之夏秋間設或見腹痛脉沈誤作陰寒治療一進

熱物湯茶酒藥等卽刻悶亂而死二說截然相反余謂

此症寒熱皆有之醫者切宜審慎用藥其治之之法有

不論寒熱皆可用者外治則取委中穴

臍臍處

多用熱水

急拍紅筋高起刺之出血卽愈內治則用馬糞年久瓦

上焙乾末滾水沖服一方加黃土入二三錢不知再作

服二法皆載溫病條辨實良方也馬糞并治霍亂吐瀉余曾療治多人

### 瘧

周慎齋曰治瘧之法升其陽使不并于陰則寒已降其

陰使不并于陽則熱已升其陽者是散陽中之寒邪柴

葛羌之屬爲散寒之品也降其陰者是瀉營中之熱邪

芩知烏之屬爲瀉熱之品也蓋併之則病分之乃愈也

此蓋本之王肯堂之治案王之外祖母年八十餘夏患

瘧諸舅以年高不堪再發議欲截之王曰欲一劑而已



亦甚易何必截乎乃用柴胡升麻羌防葛根之辛甘氣清以升陽氣使離于陰而寒自巳以石膏知母黃芩之苦甘寒引陰氣下降使離於陽而熱自巳以猪苓之淡滲分利陰陽不得交併以穿山甲引之以甘草和之果一劑而止俞樾齋云讀靈蘭要覽載此方治瘧屢效又附隨症加減法最爲精當是金壇得意之作又謂李士材治程武修監本於此惟以白豆蔻換穿山甲亦其善用藥處余接近俗治瘧多宗倪涵初似遜此方然以之治瘧亦不能盡效知病有萬變未可執一比見王孟英古今醫案按選論此最爲精當云此案但言夏月患

瘧而不詳脉症所用升散之藥五種苦寒之藥三種雖  
爲金壇得意之作余頗不以爲然後人不審題旨輒鈔  
墨卷貽誤良多鄒潤安云據金壇云是使陰陽相離非  
使邪與陰陽相離也使邪與陰陽相離猶可言人身陰  
陽可使之相離乎斯言先得我心余治門人張笏山之  
弟瘧來痞悶欲死以枳桔湯加柴苓橘半一飲而瘳是  
調其陰陽而使陰陽相離也

左傳齊侯疥遂疢顏氏家訓改疥作瘵謂說文瘵二日  
一發之瘵疢有熱瘵齊侯之病本是間日一發漸加重  
故爲諸侯憂今北方猶呼瘵瘵音皆俗儒云病疥令人

惡寒變成瘧此臆說也疥癬小疾豈有患疥轉作瘧乎  
余謂人之疾病無常初患疥癬而繼患瘧亦所時有若  
以疥爲瘧則瘧爲有熱瘧瘧爲二日一發之瘧亦何嘗  
無熱乎

治瘧有謂必當用柴胡者以瘧不離乎少陽非柴胡不  
能截也有謂不當概用柴胡者以風寒正瘧則宜之若  
感受風溫濕溫暑熱之氣而成瘧者不可執以爲治也  
竊謂瘧邪未入少陽或無寒但熱或無熱但寒或寒熱  
無定候者原不得用柴胡若既見少陽症必當用柴胡  
以升清肝胆之熱雖因於溫熱暑濕亦何礙乎

### 三陰瘧

治三陰瘧震澤沈詒亭

虞脩

傳一方用山查檳榔枳殼

甜茶各三錢於瘧發之日前一時水煎服一劑立愈云  
試多人皆驗余謂此方藥峻藜蘆之體及瘧初起者宜  
之吳曉銓言其六世祖山年公手稿錄存治久患三陰  
瘧方云傳自外舅朱竹垞先生者用生何首烏八錢生  
黃耆佩蘭各四錢水煎臨發前服三次立愈此方尤宜  
於膏粱之體二方皆試驗而方書中不恆見并錄之

### 痢

孔以立痢疾論謂五色痢法當溫補脾腎余治一五色

痢用溫而愈然馮氏錦囊中有五色痢實症一條想或

有此症余特未之見也云云余曾治一小孩患五色痢

口渴發熱用萬密齋保命歌括鳳尾草方一服即愈此

方主治赤白痢而五色痢亦可治可知其功效之神大

五色痢有溫寒之別宜錄方於此鳳尾草

溫者難治官寒者易治錄方於此鳳尾草 竹林中與井邊者極佳如

無即產別地俱可用連根老倉米一老薑帶皮三片葱白連

一大握一名雞腳草三根用水三大盞煎至一盞去渣入燒酒小半盞真蜜二

茶匙調極勻乘熱服一小盞移時再服以一日服盡為

度忌酸味及生冷煎炒米麪點心難化等物余按本草

鳳尾草性至冷治熱毒下痢治痢者確審非虛寒症乃

可用之

痢以口渴腹痛爲實熱丹溪曰口不渴身不熱喜熱手  
展盪是名挾寒李士材曰口渴更當以喜熱喜冷分虛  
實腹痛更當以痛之緩急按之可否腹之脹與不脹脉  
之有力無力分虛實蓋恐人概以口渴腹痛爲實熱也  
然則不口渴腹痛者果皆屬虛寒乎又昔人謂先痢後  
瀉者腎傳脾爲微邪易治先瀉後痢者脾傳腎爲賊邪  
難醫余嘗持此說以臨症遇有先瀉後痢口不渴腹不  
痛者幾難辨其爲實熱爲虛寒後見秦皇士症因脉滑  
有云濕熱痢之症初起先水瀉後兩三日便下膿血濕

氣勝腹不痛熱氣勝腹大痛肛門重滯裏急後重又云  
下痢紅積而腹不痛濕傷血分也宜服河間黃連湯黃連  
當歸始悟腹不痛者亦有實熱而口不渴可類推矣自  
後凡遇夏秋痢疾口不渴腹不痛而裏急後重痢無不  
裏急後重小便少脉數者一以河間法治之皆效

白檉花治赤痢甚效余於杭郡學署植數株秋間花開  
繁茂凡患赤痢者以花五六朵置瓦上炙研調白糖湯  
服之皆愈荷花池頭陳某秋間下痢月餘諸藥不效已  
就危篤亦以此方獲愈採花晒乾藏之次年治痢亦效  
治噤口痢方用人參倍黃連薑汁石蓮肉炒二味水煎

用黃連製

薑汁石蓮肉

炒二味

水煎

緩服此方胃氣虛者宜之若熱毒盛者尙宜酌用華治

老少下痢食入卽吐用白蠟方寸七雞子黃一個石蜜

苦酒

卽醋也

髮灰黃連末各半雞子殼先煎蜜蠟苦酒雞

子黃四味令勻乃納連髮熬至可丸乃止二日服盡神

效無比李瀕湖謂此方用之屢經效驗乃諸家方書罕

見採錄知良方之見遺者多矣陳氏藏器治小兒痢用

雞子和蠟煎蓋本此方之意然不若此方用藥靈妙也

咸豐八年八月羅嶺泉患赤痢月餘諸醫用溫補藥日

就忱重延余治之詢知體倦頭眩不思飲食腹不甚痛

診其脉右關沈數有力餘脉皆虛余謂尙有積滯在內



因用補太早鬱而不泄然遷延逾月體倦頭眩神已憊矣未可峻攻也乃用生地炭二錢白芍二錢歸身炭七分地榆炭錢半荆芥穗炭五分炒槐米一錢丹皮炭一錢酒炒黃芩一錢製厚朴六分選炒枳殼一錢山查錢半神糲二錢蛙黑藥一枚服三劑痢止能食改方調理而痊按此症初起腹不痛口不渴是以皆主溫補特未曾讀秦皇士之書故耳

瀉

七味白朮散治小兒久瀉脾虛者最靈震澤泥水匠賀鳳山孫二歲世瀉兩月身熱少食面色痿黃夜睡時驚

幼科用青蒿扁豆二苓厚朴枳殼陳皮等藥日晡危驚  
求余治之令服七味白朮散薑炙二錢焦白朮茯苓二錢炙甘草四分木香四分  
葛根四分霍香七分煨薑二分四劑瀉止身涼改方去葛根加炒扁  
豆二錢炒苡仁三錢砂仁三分桔梗四分四劑全愈

### 疝

四苓散治疝有極驗者周克庵於丁巳歲病痰火痊後  
忽舉丸起塊如雞卵堅硬重墜不能行始服治疝藥如  
川棟子荔枝核等反作痛自揣是戕害吳江時常於酒  
後至茶肆飲茶過多殆水氣流人膀胱所致與肝經無  
涉改服四苓散泄瀉數次而疝全愈

咳嗽

客塵醫話云咳嗽大半由於火來克金謂之賊邪最難速愈因風寒外襲而內生實火急宜瀉之若失於提解久之傳變生疾誤服陰藥反成勞瘵此數語甚的又云如果係虛火惟壯水一法但養陰之藥又皆阻氣滯痰是在台之者靈也如生脉六君湯金水六君煎之類最爲妥當余按君水六君煎景岳以治肺腎虛寒水泛爲痰而景岳全書發揮嘗其立方雜亂二陳地歸且謂水泛爲痰而用二陳於理不通當用地黃湯至壯水之法六君湯亦非所宜薛生白雪有案云此由金水不相承挹故

欬久不愈切勿理肺肺為嬌藏愈理愈虛亦不可泛然  
感陰方用整玉竹川石斛甜杏仁生扁豆北沙參雲茯苓  
神迴勝於生脉六君湯金水六君煎余仿此以治久嗽  
陰傷無不獲效

咳嗽有寒熱之別不可誤治感寒者鼻塞流涕或微惡

寒宜服生薑葱白日二次不扶熱者夜嗽較甚喉痒口

或微渴宜服淡鹽湯可常服初起服此者不致久延余

家用之恆驗

噎

名醫類案載絳州僧病噎不能食語弟子死後可開胸

喉視有何物弟子開視得一物似魚而有兩頭置鉢中  
時寺中刈藍作靛取置鉢中蟲遂化爲水自是以人靛  
治噎疾多效陳無擇三因極一病證方論以爲此乃生  
瘕非五噎比後人因以藍治噎誤矣蓋噎亦有因瘕而  
成者藍能療之未可以概治噎症也按續名醫類案載  
武昌僧患胃脘痛其徒亦患之師死遺命必剖視吾心  
果於心間得細骨一條長七八寸形如簪插瓶中供師  
前偶有貴客至殺鵝取骨挑鵝喉凡染鵝血處卽化徒  
飲鵝血數日胃疾竟除此與絳州僧事相類考本草鵝  
血治噎膈反胃張石頑醫述備述其法僧之胃痛而生

骨殆亦噎類耶然則鵝之功用實勝於藍矣

明蔣儀用藥鏡拾遺賦注云噎膈翻胃從來醫者病者羣相畏懼以爲不治之證余得此劑十投九效不啻如饑荒之粟隆冬之裘也乃作歌以誌之曰誰人識得石打穿綠葉深紋鋸齒邊闊不盈寸長更倍圓莖枝抱起相連秋發黃花細瓣五結實扁子針刺攢宿根生本三尺許子發春苗隨弟肩味苦辛平入肺臟穿腸穿胃能攻堅採掇花葉搗汁用蔗漿白酒佐使全噎膈飲之痰立化津噎平復功最先按石打穿本草罕見至本草綱目拾遺始載其功用然世人識之者鮮卽或識之亦未

必信而肯服余謂噎症初起莫如醫學心悟之啟膈散

又秘傳噎膈膏程杏軒醫述以爲效如神丹

人乳牛乳  
蘆根汁人

參汁龍眼肉汁燕汁梨汁薑汁七味等分惟

至顧松園

薑汁少許隔湯燉成膏微下煉蜜徐頻服

見今書門

有此數方何

事更求僻藥乎

噎膈之症定州楊素園大令

案照

所論最爲詳核見於

王孟英古今醫案按選中備錄於此此證昔與反胃混

同立論其實反胃乃納而復出與噎膈之毫不能納者

迥異卽噎與膈亦有辨噎則原能納穀而喉中梗塞膈

則全不納穀也至爲病之源昔人分爲憂氣恚食寒又

有飲膈熱膈痰膈蟲膈其說甚紛葉天士則以爲陰液  
下竭陽氣上結食管窄隘使然說本內經最爲有據徐  
洄溪以爲痰血頑痰逆氣阻隔胃氣其已成者無法可  
治其義亦精然以爲陰竭而氣結何以虛勞症陰竭致  
死而陽不見其結以爲陰竭而兼憂愁思慮故陽氣結  
而爲噎則世間患此者大抵貪飲之流尙氣之輩乃絕  
不知憂者而憂愁抑鬱之人反不思此此說之不可通  
者也以爲痰血頑痰逆氣阻隔胃氣似矣然本草中行  
痰化痰降氣之品不一而足何竟無法可治此又說之  
不可通者也余鄉有治此者於赤日中縛病人於柱以



物撬其口抑其舌卽見喉間有物如贅瘤然正阻食管以利刃鉏而去之出血甚多病者困頓累日始愈以其治甚險故多不敢嘗試又有一無賴垂老患此人皆幸其必死其人恨極以紫藤梗拘探人喉中以求速死嘔血數升所患徑愈此二人雖不可爲法然食管中的係有形之物阻扼其間而非無故窄隘也明矣又獻縣人患此臨危囑其妻剖喉取物以去其病比死其妻如所誠于喉間得一物非骨非肉質甚堅勒刀斧莫能傷擲之園中樹上經年亦不損壞一日其子偶至園中見一物粘綴草間栩栩搖動審視則其父喉中物也異而佇

目半日許物竟消化遂探其草臧之有病噎者煎草與  
飲三吸輒愈遂以治噎擅名如是者十餘年後其草不  
生始止是世間原有專治此證之藥矣余臆度之此症  
當由肝過於升肺不能降王孟英云片言斷血之隨氣  
而升者留積不去歷久遂成有形之物此與失血之證  
同源異派其來也暴故脫然而出爲吐血其來也緩故  
流連不出爲噎膈湯液入胃已過病所必不能去有形之  
物故不效其專治此症之藥必其性專入咽喉而力能  
化癥解結者也昔金鈴一書賈思此向余乞方余茫無  
以應思非藥上露善治噎口痢或可旁通其意其人亦

自知醫聞之甚悅遂煎千金葦莖湯加入韭露一半時  
時小啜之數日竟愈

主孟英  
云方妙

吐

千金方治粥食湯藥皆吐不停者灸手間使穴三十壯  
穴屬手厥陰在掌後三寸今人知用此法者治吐湯  
藥虞天民方最善用順流水二盞煎沸湯泡伏龍肝研  
細攪渾放澄清取一盞人參苓白朮各一錢甘草二分  
陳皮藿香砂仁各五分炒神麴一錢陳米一合加薑棗  
同煎至七分稍冷服別以陳米煎湯時時嚥之此法治  
胃虛不能納食者皆效又黃退庵治胃陰受戕納食卽

吐者用人乳同糯米飲緩緩服之亦應驗如神

### 頭痛

頭痛屬太陽者自腦後上至顛頂其痛連項屬陽明者上連目珠痛在額前屬少陽者上至兩角痛在頭角以太陽經行身之後陽明經行身之前少陽經行身之側厥陰之脉會於顛頂故頭痛在顛頂太陰少陰二經雖不上頭然痰與氣逆壅於膈頭上氣不得暢而亦痛其辨之之法六經各有見症如太陽項強腰脊痛陽明胃家實少陽口苦咽乾目眩之類是也高士宗醫學真傳言頭痛之症祇及太陽少陽厥陰疏矣

脇痛

脇痛當辨左右有謂左爲肝火或氣右爲脾火或痰與

食舟溪則謂左屬痰血右屬痰

有謂左屬肝右爲肝移邪於肺余觀

程杏軒治脇痛在右而便閉仿黃古潭治左脇痛法用

栝蘆一枚甘草二錢紅花五分神效以栝蘆滑而潤下

能治插脇之痛甘草緩中濡燥紅花流通血脉肝柔肺

潤其效可必是肝移邪於肺之說爲的也又觀薛立齋

治右脇脹痛喜手按者謂是肝木剋脾土而脾土不能

生肺金則爲脾爲肺固一以貫之矣

腹痛

醫書言腹痛者中脘屬太陰臍腹屬少陰小腹屬厥陰  
此指各經所隸而言然不可執一而論凡傷食腹有燥  
屎者往往當臍腹痛不可按或欲以手擦而移動之則  
痛似稍緩凡傷傷食舌胎  
舌根色黃而濁仲景傷寒論有云病人不大  
便五六日繞臍痛煩躁發作有時可以爲證

### 肝病

今人所謂心痛胃痛脇痛無非肝氣爲患此有虛實之  
分大率實者十之二虛者十之八余表兄周士熙弱冠  
得肝病胃痛醫用疏肝之藥卽止後痛屢發服其藥卽  
止而病發轉甚成婚後數月痛又大發醫仍用香附豆

一  
薤枳殼等藥遂加劇而卒蓋此症初起卽宜用高鼓峯  
滋水清肝飲魏玉橫一貫煎之類稍加疏肝之味如鱉  
血炒柴胡四製香附之類俾腎水涵濡肝木肝氣得舒  
肝火漸熄而痛自平若專用疏洩則肝陰愈耗病安得  
痊余嘗治鈕亞村學博福蘆之室人肝痛脈虛得食稍  
緩用北沙參石斛歸鱉白芍木瓜甘草雲苓鱉血炒柴  
胡橘紅二劑痛止後用逍遙散加參歸石斛木瓜調理  
而愈

趙養葵醫貫徐靈胎死之是矣然觀其治木鬱之法先  
用逍遙散繼用六味地黃湯加柴胡芍藥以滋腎水俾

水能生木此實開高鼓擊清水滋肝飲之法門

六味加歸身白

芍藥胡山極大藥以治肝胃等症血少者加味道通加生地再傳而魏玉橫之治脇

痛用一貫煎川沙參麥冬生地歸身枸杞苦燥者加酒連葉天士之治脘

痛用石決明阿膠生地枸杞子茯苓石斛白粳米等以

養胃汁則又化而裁之法益詳備學者不可忘所自來

也

魏玉橫曰帶濁之病多由肝火熾盛上蒸胃而乘肺肺

主氣氣弱不能散布為津液反因火性迫速而下輸膀

胱之州都本從氣化又肝主疏泄反稟其令而行遂至

淫淫不絕使但屬胃家濕熱無肝火為難則上為痰而



下爲瀉耳葉天士曰肝主疏泄侮所不勝故亦下利余  
嘗治下利但平肝而得效余嘗遇此法治素有肝病是  
則肝之主病甚多司命者不可不察也

何西池曰百病皆生于鬱凡病皆屬火及風爲百病  
之長三句總祇一理蓋鬱未有不病火者也火未有不  
由鬱者也第鬱而不舒則皆肝木之病矣此又可爲肝  
病多之一證

七情

素問陰陽應象大論云悲勝怒怒勝喜喜勝憂  
思勝恐此卽五行生剋之理也古賢治病若文摯之怒

齊王華元化之怒郡守皆宗此旨戴人丹溪治案尤多  
然亦有不拘剋制之說者如邵氏聞見錄云州監軍病  
悲思郝允告其子曰法當得恠卽愈時通守李宋卿御  
史嚴甚監軍向所憚也允與子請于宋卿一造問責其  
過失監軍惶怖出疾乃已此恐勝憂簪雲樓雜記云鹿  
邑李大諫世爲農家獲售於鄉父以喜故失聲大笑及  
舉進士其笑彌甚歷十年擢諫垣遂成痼疾宵旦不休  
太醫院某令家人給其父曰大諫已歿其父慟絕幾殞  
如是者十日病漸瘳佯爲郵語云大諫治以趙大夫絕  
而復甦其父因不悲而笑症永不作此悲勝喜也蓋醫

者意也苟得其意不必泥其法所謂神而明之存乎其人也

不寐一

韓飛霞謂黃連肉桂能交心腎於頃刻震澤毛愼夫茂才元勳嘗用之而奏效某年四十餘因子女四人痧痘連綿辛勤百日交小暑後忽然不寐交睡則驚恐非常如墜如脫叫呼不甯時悲時笑毛診之謂由衛氣行於陽不得入於陰乃心腎不交之症用北沙參生地麥冬當歸遠志炙甘草茯神川連二分肉桂一分以甘瀾水長流水湯之萬先煮秫米一兩去渣將湯煎藥服之

全愈毛居黎里鎮讀書三十年中歲行道名著一時

汪春圃

純者

醫案亦有以黃連肉桂治不寐症者丁俊

文每日晡後發熱微渴心胸間怔忡如築至晚輒生懊  
懣欲罵欲哭晝夜不能寐諸藥不效延至一載有餘汪  
診其脉左寸浮洪兩尺沈細知屬陰虧陽盛仿靈樞秫  
米半夏湯如法煎成外用肉桂三錢另煎待冷黃連三  
錢另煎乘熱同和入內徐徐溫服自未至戌盡劑是夜  
即得酣睡次日已牌方醒隨用天王補心丹加肉桂拘  
杞鹿膠龜膠等味製丸調理全愈偶從杭城沈雨溥書  
坊購得醫學秘旨一冊有治不睡方案云余嘗治一人

患不睡心腎兼補之藥徧嘗不效診其脉知爲陰陽違  
和二氣不交以半夏三錢夏枯草三錢濃煎服之卽得  
安睡仍投補心等藥而愈蓋半夏得陰而生夏枯草得  
至陽而長是陰陽配合之妙也書係鈔本題曰西溪居  
士著不知何許人識以俟考

不寐之症由於思慮傷脾繁冗勞心者非專恃醫藥可  
治老老叀言謂不寐有操縱二法操者如貫想頭頂默  
數鼻息返觀丹田之類使心有所著乃不紛馳庶可獲  
寐縱者任其心游思於杳渺無朕之區亦可漸入朦朧  
之境余謂二法之中縱法尤妙蓋操則心猶矜持未極

恬愉之趣不若縱之游行自在也特恐稍涉妄想卽難  
奏效尤當高操于縱爲佳余師歸安沈鹿坪先生焯  
古州教授時因閱文繁勞思怔忡不寐有人傳一法云  
每夜就枕後卽收歛此心勿萌雜念惟游思於平素所  
歷山水佳處任情一往定而能靜久而久之心漸卽於  
杳漠之中則不期寐而自寐矣如法行之獲效是其能  
得縱法之要者

冷廬醫話卷三終

冷廬醫話

卷三 不寐

姑蘇閶門內都亭橋東  
留雲閣金陵穆子美刊



冷廬醫話卷四

桐鄉 陸以活 定圃氏著

吐血

吳球治一少年吐血來如泉湧諸藥不效虛羸病危乃取病者吐出之血瓦器盛之候凝入鍋炒血黑色以紙盛放地上出火毒細研爲末每服五分麥門冬湯下二三服其血遂止此蓋血導血歸法也余按近人傳治暴起吐血方以絲棉蘸吐出之血火焙存性研末服之甚效今觀吳案則不獨初起者可用此法矣

方書法吐血有用苦寒者有戒用苦寒者觀顧曉澗治



案可以得其要矣治案云徐氏婦吐血傾盆數日不止  
目閉神昏面赤肢軟息麤難臥危如累卵脈左沈右洪  
重按幸尙有根此鬱火久蒸肺胃復緣暑熱外逼傷及  
陽絡致血海不止危在頃刻諸藥皆苦寒是以投之卽  
嘔借用八汁飲意冀其甘寒可以入胃清上血止再商  
治法用甘蔗汁藕汁蘆根汁各一酒杯白果汁二匙白蘿蔔汁  
半酒杯梨汁一酒杯西瓜汁一酒杯鮮荷葉汁三匙七汁和勿  
隔水燉熱沖入瓜汁不住口緩緩灌之服後夜間得寐  
血止神清惟神倦懶言奄奄一息脈雖稍平右愈浮大  
無力此血去過多將有虛脫之患經云血脫者益其氣

當遵用之人參七分黃芩七分歸身一錢煨山

藥錢半茯苓三錢大麥冬錢半蒸北五味七粒和入廿

蔗汁梨汁藕汁服後食進神健而痊門人問血冒一證

諸方皆以苦寒折之今以甘寒得效何也曰丹溪云實

火宜補此婦孺居多年憂思鬱積心脾久傷復緣暑熱

外蒸胃血大溢苦寒到口即吐其爲虛火可知故得甘

寒而止若果實熱上逆仲景曾有用大黃法或血脫益氣

東垣原有獨參湯法不能執一也觀此知實火吐血原

常用苦寒然除實火之外則概不宜用苦寒矣今人吐

血挾虛者多而醫者動手輒用苦寒宜乎得愈者少也

吐血戒用苦寒更有治案可法吳季先治何氏女患吐血咳嗽食減便澹六脈兼數左部尤甚醫用四物湯加黃芩知母吳曰歸芍辛竄吐血在所不宜芩知母寒傷脾在所禁用乃與米仁玉竹白芍枸杞麥冬沙參川斷建蓮百合二十劑脈稍緩五十劑而瘳此方治陰虛咳嗽吐血最良然必收效於數十劑後謂非王道無近功乎

又程氏武醫穀治李氏子吐血喘促咳嗽浮腫腳輒不能行診脈浮濇微疾此房勞所致也用茯苓白芍以仁木瓜丹皮芡實牛膝貝母百合甘草服十餘劑喘促稍定浮退血止前方加朮服二十餘劑而愈夫此病以涼

止血則浮喘必劇以溫止浮喘則吐血必甚總歸不起第於平淡中寓巧法故能生耳治吐血者知此庶不爲藥所誤

方書每言童便治吐血之神然須擇強健之童而不食腥濁物者有力者猶可購求要人安能

傳有一方丹參飯鍋蒸熟泡湯代茶日飲之甚效

### 諸血

肌衄卽內經之血汗古無驗方近人方案有極驗者錄以備用毛達可便易經驗集云一人左臂毛竅如鍼孔驟濺出血積有一面盆許晝夜常流面白無氣余用炒

山甲片研細粉罯之以帕紮住卽止隨服補血湯數劑而愈後治一老農腎囊上有一鍼孔流血盈至腳盆諸藥不效自謂必死余投以前法立時痊愈真神方也顧曉澗吳門治驗錄云余同事楊君腦後髮際忽出血不止眾皆駭然余知其爲肌刺也令用一味黃芩漬水塗之立愈後竟未發又見有胸前背心兩證亦以前法治之立效此方余友范董書所傳治鼻梁血出者移治他處亦效而準繩未見及此可見著書之難也

許辛木部曹之室人自幼患鼻衄于歸後無歲不發甚者耳目口鼻俱溢出至淡黃色始止凡外治內治之法

無不厭試每發必先額上發熱鼻中氣亦甚熱二十  
年來每覺鼻熱辛木以喻嘉言清燥救肺湯投之二三  
劑後即覺鼻中熱退不飼或投之少遲亦不過略見微  
紅蓋此方最清肺胃之熱惟人參改用西洋參或加鮮  
生地勢已定則用乾生地喻氏此方白言不用一苦藥  
恐苦從火化也此製方妙處醫者不可妄加也

### 汗

方書皆謂自汗屬陽虛盜汗屬陰虛余按何西池醫編  
云傷寒始無汗後傳陽明即自汗豈前則表實後則表  
虛乎又云人寤則氣行於陽寐則氣行於陰若其人表

陽虛者遇寐而氣行於裏之時則表更失所護而益疏  
即使內火不盛而陽氣固聚於裏與其微火相觸發亦  
必汗出是則自汗不第屬陽虛盜汗不第屬陰虛矣

### 疽

常州楊蕉隱參軍

振藩

能詩善畫兼諳醫學傳一治黃

疽病方用活鯽魚數枚剪取其尾貼臍之四圍

當臍須

與黃水自臍出魚尾漸乾更易貼之常有病黃疽甚劇

他人以手熨其身手亦染黃色用此治之自朝至夕貼

魚尾數次水流盡即愈曾目擊其效又言有草名龍帶

珊瑚葉似桂高不及尺每顆冬間結子二枚色紅如南

天竺子取子煎服亦治黃病甚效

腫

海寧許珊林觀察

禮

精醫理官平度州時幕友杜某之

戚王某山陰人夏秋間忽患腳脹自頂至踵大倍常時  
氣喘聲嘶大小便不通危在旦夕因求觀察診之令用  
生黃芪四兩糯米一酒鐘煎一大碗用小匙逐漸呷服  
服至盞許氣喘稍平卽於一時間服盡移時小便大通  
溺器更易三次腫亦隨消惟腳面消不及半自後仍服  
此方黃芪自四兩至一兩隨服隨減佐以祛濕平胃之  
品兩月復元獨腳面有錢大一塊不消恐次年復發力



勸其歸屆期果患前症延紹城醫士診治痛詆前方以爲不死乃是大幸遂用除濕猛劑十數服而氣絕次口將及蓋棺其妻見死者兩目微動呼集眾人環視連動數次試用芪米湯灌救灌至滿口不能下少頃眼忽一睜湯俱下咽從此便出聲矣服黃芪至數觔並腳面之腫全消而愈觀察之弟辛木部曹補謂此方治驗多人先是嫂吳氏患子死腹中渾身腫脹氣喘身直危在頃刻余兄徧檢名人醫案得此方遵服便通腫消旋即生產因係夏日孩屍已爛成十數塊逐漸而下一無苦楚後在平度有姬顧姓患腫脹脫胎此方數服而愈繼又

治愈數人王其更在後矣蓋黃芪實表虛則水聚皮裏膜外而成腫脹得黃芪以開通隧道水被祛逐服自消矣

### 消

治消渴證每用涼藥然觀孫文垣治消渴小便色清而長其味甘肫細數以腎氣丸加桂心五味子鹿角膠益智仁服之而愈陸養愚治消渴喜飲熱而惡涼大便秘小便極多夜尤甚脈浮按數大而虛沈按更無力以八味丸加益智仁煎人參膠糊丸服之而愈其法本於金匱由火虛不能化水故飲一斗小便亦一斗凡見渴而

水不消小便多者即當合參脈證以此法治之

傷食

中食之證往往狀似中風非詳問病因必難奏效明醫雜著有案可法錄之一壯年人忽得暴疾如中風口不能言目不識人四肢不舉急投蘇合香丸不效余偶過問之因詢其由曰適方陪客飲食後忽得此證遂教以煎生薑淡鹽湯多飲探吐之吐出飲食數盞後服白朮陳皮半夏麥芽湯而愈

湖州某紳老而嬰饒食量兼人暑月有饒盛饌者快意加餐次日蒸豚味變不忍捨棄復飽啖焉遂得河魚疾

以卒觀此知高年胃強不足持且以見聖人肉敗不食誠養生之道也

少壯時飯後作書未嘗有滯食之病中歲以來遂膈斯患丁巳年假得秘書數種尅期約還又不敢假手於人親自鈔錄日無暇晷飽食後即倚案揮毫因患腹痛大便秘數日不食服保和丸及米灰等不效投陸氏潤字丸大黃一兩酒浸晒乾蒸半熟製半夏前胡山查肉天花粉陳皮白朮枳實枳椇各錢二分五釐每藥須略炒或晒乾爲末薑汁打神樞糊爲丸梧子大九時適陳載庵來告以所患同宜何藥載庵曰三世醫驗中潤字丸最穩最靈余曰鄙意正同已服二錢許矣載庵曰不妨再服一次如其言大便遂通

傷食者往往發熱口渴有似外感辨之之法以皮硝二錢用紙紙須厚而堅包固縛置胃脘靜臥數刻啟紙視之皮硝若濕便是傷食傷之輕者此亦可以消化傷之重者其濕必更甚乃服消食藥可也

邪祟

杭州陳茂才

福年

形狀豐碩氣體素健一日爲其父詣

市購藥忽仆於藥肆門前肆主爲僱輿送歸之醫救治不效口鼻出血未及半日遂卒年僅三旬按沈從先野暴證知要云凡遇尸喪翫古廟人無人所居之室及造天地鬼神壇場歸來暴絕面赤無語者名曰鬼疰卽中

崇也進藥便死宜移患人東首使主人北面焚香禮拜之更行火醮薰鼻法則可復甦否則七竅迸血而死門陳生是日曾至人家弔喪其所患豈卽此耶業醫者遇此等症慎勿猛浪投藥

袁隨園子不語謂東醫寶鑑有法治狐而不述其方按是書邪祟門中有辟邪丹治邪祟邪疾及山谷間九尾狐精爲患方用人參赤茯苓遠志鬼箭羽石菖蒲白朮蒼朮當歸各壹兩桃奴五錢雄黃硃砂各三錢牛黃麝香各一錢爲末酒糊丸如龍眼大金箔爲衣每一丸臨臥以木香湯化下諸邪不敢近體更以絳囊盛五七丸

懸牀帳中尤妙隨園所云殆卽此歟

此方陳杏軒醫述採載無牛黃有甘

草亦茯苓改用茯神

癰

癰卽大風又作癰論語伯牛有疾注先儒以爲癰也毛西河四書賸言云包注牛有惡疾按古以惡疾爲癰禮婦人有惡疾去以其癰也故韓詩解芣苢之詩謂蔡人之妻傷夫惡疾雖遇癰而不忍絕而劉孝標作辨命論遂謂歌其芣苢正指是也又淮南子曰伯牛癰又芣苢草可療癰也見列子注余按芣苢卽車前本草不著其治癰功用明沈之問解園元藪一書專治癰風方藥甚

多而用車前者絕少其所常用之藥乃大風子蒼耳子

草麻子蒺藜草苦參花蛇等是也鮑雲韶驗方新編載

治麻風白花蛇丸方云丹陽荆上舍得麻風疾一僧療

之而愈以數百金求方不肯傳館賓袁某疑藏衲衣領

中因醉竊錄焉用者多效此與蕭翼賺蘭亭相似皆以酒

為餌者也方用白花蛇一條烏梢蛇一條並去頭尾生用防風

蟬蛻草壯打碎去泥土生地川芎苦參枸杞槐花

銀花以上各二兩白蒺藜全蝎醋浸一日去鹽味北細辛蔓荊

子威靈仙何首烏胡麻仁炒金毛狗脊川牛

膝烏藥天花粉川連黃芩梔子黃柏

小兒驚風



連翹 牛蒡子

以上各一兩炒 漏蘆 半觔去節洗淨四兩 荆芥穗 一兩上五錢

頭面者加白芷一兩肌膚潰爛者加大皂角一兩其研

末米糊爲丸桐子大每服五六十丸茶送下午後臨臥

各一服

一僧加風藤一兩

越部有患癘風者因至外祖家食雞而得其外祖乃患此症者也後其人死所畜之雞肥大異常鄰人購食之亦患此症而死蓋雞食癘風者之痰能染人也諺曰寧娶瘋子妻不食瘋子雞良有以也

耳

乾隆時杭州金氏以耳科致富止恃一秘方今其家已

式微有人傳得其方用之甚效取大蚌殼全箇中裝人

糞千年石灰野豬腳爪

鳥脂活中用之

以鐵絲匝繫蚌殼外用

泥塗炭火煨至青煙起置地上去火性研細未入瓷瓶

秘藏凡患耳中爛及耳聾流水等症以此溲之立愈此

方天台余以庠

傳序

所述云不獨可治耳疾凡外症潰

爛者皆可用之曾有人治裙邊瘡年久者亦效

凡人於薙髮之後必取耳以快意此由少時習慣遂成

自然往往有取之過深傷而出血者素圃醫案

鄭在一

則尤堪警目錄之貢武弁年二十餘取耳時爲同輩所

戲銅挖刺通耳底流血不止延外科治之初不以爲楚

旬日間忽頭痛又延內科治之益甚迎余往治則頭痛如破體僵面赤煩燥脈弦緊口流膿血檢所服藥皆石膏梔子芩連等味病人自言膿血不自喉出余曰此腦中膿血流入鼻內滲于口中的係破傷風矣項強已屬不治幸未柔汗厥冷用小續命湯重加桂枝附子乾薑去黃芩一劑微汗頭痛減半再劑頸柔十數劑後耳內結疤腦涎亦不流但其耳竟無聞矣

目

目中起星宜初起卽治石室秘錄方最妙白蒺藜三錢水煎洗日四五次余二次皆用此獲效又一次以新橘

子皮塞鼻中不半日即退又舊傳一方用山茨茹入乳磨汁入冰片末少許點之并治翳障甚效

人有患肝病者重用柴胡服之肝病愈而目瞽以其竭肝陰也大抵溫散之品皆損目光並宜遠之  
失明至如韭蒜椒芥等耗目光並宜遠之

一人患頭風痛兩目失明徧求醫治無效偶過茶肆小憩有鄉人教以用十字路口及鄉村屋旁野苧菜煎湯入沙壺中乘熱薰之日行數次如是半月復明許辛木  
說

明目之方可久服者枸菊丸第一

專用二味勿入六味丸內黑小荳

次之壽親養老新書云李小愚取黑豆緊小而圓者侵晨以井花水吞二七粒謂之五臟穀到老視聽不衰近人相傳服法晨用生小黑豆四十九粒以滾水送下久服勿間則眼到老常明余二十九歲患風火赤眼愈後閱文攻苦用目過早遂至昏澀羞明不能作字又爲眼科以赤藥點之轉益增劇于是謝去生徒閉門靜養專服小黑豆又每晨用明礬末擦齒後以洗面水漱口卽將其水洗目洗後閉目片時俟其自乾如是半年目乃復初因服小黑豆勿輟凡二十餘年迄今目光如舊燈下可作細字未始非此方之力凡人至中年而目昏花

卽當服此或因其性涼不宜于寒體則服枸杞丸可也  
丁巳秋兄欽縣吳端甫贊花易簡良方載服黑料豆法  
并述功效附錄於此云每一歲生吃一粒白小服起每  
年視歲數加減永無服患余於壬子年人會開年俸四  
十二而上燈後幾不見卷格南旋卽得此方無間服之  
今歷五稔目力倍  
於幼時真奇方也

明周定王櫛普濟方四百二十六卷爲方六萬一千七  
百三十九首余在杭州時欲借鈔是書需錢百餘萬因  
而不果咸豐九年從坊友邱春生金覓得刊本眼科書  
一冊卽普濟方之第三十一卷計一百頁凡分類十有  
三曰內外障眼曰內障眼曰外障眼曰將變內障眼曰  
內障眼鍼後用藥曰目生膚翳曰目生丁翳曰目生花

醫曰卒生醫牋曰遠年障翳曰目昏暗曰目見黑花飛

蠅曰目暈類各有論共五百八十八方其內外障眼類

中有去翳生血止痛方

出家藏經驗方

用螻蛄汁滴目中及飴

炙食之下引陳氏經驗方云晉書盛彥母氏失明躬自

待養母食必自哺之母既病久至於婢使數見捶撻婢

忿恨伺彥暫行取螻蛄炙飴之母食以爲美然疑是異

物密藏以示彥彥見之抱母慟哭絕而復蘇母目豁然

從此遂愈孟子曰陳仲子豈不誠廉士哉居於陵三日

不食耳無聞目無見也井上有李螻食實者過半矣匍

匍往將食之三咽然後耳有聞目有見本草云螻蛄汁

滴日中去醫障余在曲江有將官以替離軍因問醫書  
見此參以孟子之言證以本草之說呼其子俾蓋事而  
供勿令父知旬日後日明趨庭伸謝因錄以濟眾按此  
方他書罕見符載於此俾患障失明者採用焉

鈕蘭晚說湖城某姬年四十餘目昏不能拈鍼術得一  
方七月七日採旱蓮草搗汁入食鹽拌勻日晒夜露每  
日早起洗沐以汁少許點目中初微痛後乃如常目光  
遂漸明嗣後至七十餘歲猶能於燈下縫紉

喉

門人歙縣吳子嘉茂才

鴻勳

傳治喉症方名咽喉急症



異功散云得自蘇州靈驗異常歷試不爽用斑蝥去翅足

米炒黃去六分血蝸六分沒藥六分乳香六分金蝸六分元參六分真麝

香三共為細末收藏磁瓶封口切勿走氣不論爛喉風

喉閉雙單喉蛾用尋常膏藥一張取此散如黃豆大貼

項間患左貼左患右貼右患中貼中貼三四時即起泡

用銀鍼挑破即愈凡陰症起泡更速此方亦見痰痧草

金匱翼爛喉痧方最為神妙藥用西牛黃五釐冰片三釐象

牙屑三分人指甲五釐男病用男真珠分三青黛六分去壁

錢三十箇煅即蟻子窠土厚磚共為極細末吹患處凡

屬外淫喉患無不應手而瘳不特爛喉痧奉為神丹也

惟藥品修製不易猝難卽得有力者宜預製備用如一  
時不及修合別有簡便之法用壁錢五六箇瓦焙爲末  
加入指甲末五西牛黃三亦效又治喉蛾方新登草數  
莖纏指甲就火薰灼俟黃燥將二物研細更用火逼壁  
虱卽臭十箇共搗爲末置銀管向患處吹之神效見黃  
霽青太守安清賢已編

舌

臨症視舌最爲可憑然亦未可執一正義云凡見黑舌  
問其曾食酸甜鹹物則能染成黑色非因病而生也然  
染成之黑必潤而不燥刮之卽退爲異又惟虛寒舌潤

能染苦實熱舌胎乾燥何能染及耶凡臨症欲視病人  
舌胎燥潤禁飲湯水飲後則難辨矣重慶堂隨筆云淡  
舌白胎亦有熱症黃厚滿胎亦有寒症舌絳無津亦有  
痰症當以脈症便溺參勘又白胎食橄欖即黑凡酸物皆然  
食枇杷即黃又如燈下看黃胎每成白色然則舌雖可  
憑而亦未盡可憑非細心審察亦難免於誤治矣

黑舌胎有寒熱之分別不精死生立判汪苓友謂舌  
胎雖黑必冷滑無芒刺斯為陰症無疑誠扼要之言也  
舒馳遠傳寒集注謂黑胎乾刺為二症一為陽明熱結陰津立

亡法主大黃芒硝急奪其陽以救其陰陰回則津回一

爲少陰中寒與陽氣沒不能蒸騰津液以致乾燥起刺  
法主附子炮薑急驅其陰以回其陽陽回則津回據此  
則黑胎冷滑者必無陽症而黑胎乾刺者有陽症復有  
陰症矣臨症者可不慎歟

舌現人字紋多因誤投寒藥所致楊乘六治沈性感症  
危甚舌黑而枯滿舌偏裂人字紋曰脈不必診也此腎  
氣湊心入味症也誤用苓連無救矣踰日果斃

程杏軒治農人患傷寒數日寒熱交作自汗如雨脈虛  
神倦舌胎白滑分開兩岐宛如刀割詢知誤服涼藥與  
六味回陽飲服之有效繼進左右二歸飲數劑舌胎漸

退而安又傷寒金鏡錄有裂紋如人字形者因君火燭  
灼熱毒炎上而發裂宜用涼隔散此則舌見紅色又當  
細辨肺症分別治之

繆氏子年十六舌上重生小舌腫不能食醫以刀割之  
敷以藥悶時又生屢治不痊精力日憊向余求藥檢方  
書用蛇蛻燒灰研末敷之不用刀割立愈後不復發

### 齒

秀水新塍鎮屠氏人多耆壽牙齒至老堅固不壞有  
家傳秘訣自幼大小便時咬定牙齒不令洩氣法本張景岳即  
有人詢問亦不答應歷久勿問故牙齒從無墮落之患

余友鄭拙言學博

鳳翔說

江湖上女醫有捉牙齒者以簪尖向患處旋繞投水盥  
中似有蟲者無數云蟲去齒痛當愈願往往不甚驗比  
閱程學博瑞川通藝錄所載亡室徐孺人行略始知其  
術皆偽行略云濠梁問婦人能爲齩齒醫行而賣其藝  
治一人齒能出蟲多者以百數孺人曰吾生長和州知  
之久矣齒卽生蟲他醫莫能出若乃能應手出乎蓋蓼  
花蠱也

余久患齒痛每勤勞火動及食甜物卽發丙午年周介  
梅表弟士頌傳一方云每日晨起以冷口三次不

可問斷永無齒痛介梅向患齒痛甚劇行此得痊余如  
法行之齒痛遂不發治齒痛神方用青魚膽風乾生明  
礬研末擦之立止又可治喉風以上二味加入指甲末  
燈心灰吹之最妙

腿

表兄周乙藜學博士照於道光壬寅年患腿熱而按之  
不熱行步無力不痛不腫延醫診治謂是濕熱重用防  
已服之忽心悸不寐別招醫治謂是陰虛用熟地等藥  
心悸仍然腿患益甚腿肉日削食少神憊勢就危殆時  
乙藜家質庫中友朱光甫能醫乃令治之曰此痿病也

誠然是濕熱誠然是陰虛然專治一端則誤矣投以清燥湯病日減繼用虎潛丸法出入增損至三百劑始復原乙黎因是潛玩醫書深究脈學爲人治病屢奏效

方書言風勝則引濕勝則腫寒勝則痛此亦未可泥也

道光己丑年先君子薌叻公

時年四十九

患兩腿熱痛不能

行步醫家用蠲痺湯巴戟天湯不效反加刺且腫色青

紫又以爲陰燭用虎潛丸痛益甚飲食少進乃至震澤

就吳雪香先生診之

先生震澤縣庠生中誠懇盡審症精細求治者盈門

切脈濡

數患處腫痛詢知酒戶素大謂是濕熱致患用苡仁海

桐皮防己蠶沙川草薺秦艽桑枝牛膝木通等藥日有



起色不一月全愈余按痛而熱則不當用溫藥蠲痺湯等所以不效也此猶理之顯著者而知之者鮮焉甚矣醫道之難明也

熱病愈後往往歸之於足發熱腫痛不治則痛甚而死或致殘廢如截足風之類

咸豐戊午春余母周太孺人偶發寒熱忽患此症時余在杭州內人周婉霞在家侍奉檢醫書得一方用廣膠一兩入糟醋薑葱汁四味烱化成膏攤紙或布上貼患處痛立止糟入醋中將糟擊碎調勻濾出汁去糟渣勿用薑汁不必多只用少許葱汁較薑汁多一半糟醋汁須三四倍於葱汁

庚申冬初婦人李氏患伏暑愈後兩足腫而不紅其痛尤劇服去濕清熱藥不效用此方治之痛亦立止真神方也因憶道光年間鄰人陳氏婦曾患此症諸醫莫能療治後以足浸冷水中號呼痛絕而殞惜當時未得此方拯之特詳誌於此願有志者廣傳焉

雜病

余戚茗城沈嫗年七十四忽頭上右偏髮中生一角初起微痛其後每覺痛則角稍大闊三年狀如小指角根之肉微腫角堅如石色微黃角尖有三凹紋色微黑如犀角今已七十六歲

咸豐八年記

按丹溪治鄭經歷嗜酒與

煎燂年五十餘額絲竹空穴湧出一角長短大小如雞  
距稍堅丹溪謂宜斷厚味先解食毒鍼灸以開泄壅滯  
未易治也鄭燁煩召他醫以大黃朴硝腦子等冷藥灌  
之一夕豁開如蟹蚶徑三寸一二日後血自蚶中濺出  
高數尺而死此冷藥外逼熱鬱不得發宜其發之暴如  
此今沈姬食貧茹苦從不飲酒啖肉其非食毒可知不  
審何氣使然書之以俟識者又按南史孫謙末年頭生  
二肉角各長一寸此則有  
肉無骨其形較異又按趙雲松觀察簷隙喙雜記云梁武  
帝時鍾離人顧思達年一百十二歲顴候見其頭有肉  
角長寸許顴候余亦曾見二人一江蘭舉陽湖人一徐  
姓嘉興人頭上皆有肉角高寸許年亦皆九十餘蓋壽  
相也然二人皆貧苦皆無子則亦  
非吉徵此亦可以相證附錄之

病有可預測其兆者如手指麻木知將患中風一年前  
時時口乾手腳心熱或作渴思飲茶并水或食已卽飽  
知將患發背三年內眉眶骨痛知將患大風疾此有外  
症可憑者也至於察神色審脈象而能先識其病則非  
神乎技者不能矣

醫碯謂真心痛

咬牙噤口舌青面黑汗出不休手足寒過節

眞頭痛

全腦連齒皆痛

手足寒至節

皆旦發夕死不忍坐視真心痛用猪肝煎湯入

麻黃肉桂乾薑附子服之以散其寒或可死中求生眞

頭痛急與黑錫丹灸百會穴猛進參沈烏附或可生

本生祖秋畦公捐館舍時

年七十有八

猝發心痛不可忍半

日卽長逝其時延醫診視祇進治心痛通套藥使準此  
法以治庶幾稍可救藥乎

消渴水腫下疳咳嗽吐血等症皆以戒鹽爲第一要義  
若不能食淡方藥雖良終難獲效

病有見於此而應於彼者約略舉之如青腿牙疳之症  
牙病而必見於腿上咳不止脈無神氣龔門生瘻此陽  
極而下不治之症疳腮之症

亦名腫腮

初起惡寒發熱脈浮

數耳前後腫痛隱隱有紅色腫痛將退耳忽脹亦有  
誤用發散藥體虛者不任大表邪因內陷傳入厥陰脈  
絡畢九腫痛而耳後全消者蓋耳後乃少陽膽經部位

肝膽相爲表裏少陽感受風熱邪移於肝經也若作疔  
症治之益誤矣此症惟汪蘊谷文綺會心錄詳言之并  
立方云腫腮體實者甘桔湯加牛蒡丹皮當歸之屬一  
二劑可消體虛者甘桔湯加何首烏玉竹丹皮當歸之  
屬二三劑亦愈如遺毒爲害必須救陰以回津液補元  
以生真氣俾邪熱之毒從腫處盡發方用救陰保元湯  
黑豆三錢熟地二錢麥冬錢半丹皮山藥南沙參黃耆各一錢炙甘草八分水煎服又癰瘡  
之立亦有先喉痛者陳載庵之子所患用吳醫會講中  
之法治之是也見今人門

婦科

坤元是保宋薛仲昂所著歷代女科書皆未之採書  
中不乏精要之論易簡之方詢爲女科秘笈咸豐丁巳  
吳曉鈺以重值購自吳門借余錄之摘錄數條於此  
婦人有疾兩乳不嫌其大月水不嫌其多乃生機也治  
嘔血及諸衄下血等候用猪腰子一具童便二盞陳三  
白酒一盞貯新瓶內密封泥口日晚以慢火煨熟至初  
更止夜分後更以火溫之發瓶畢食卽病篤者止一月  
效平日瘦怯者並宜服之男女皆效真以血養血之良  
方也

醫書云先期爲血熱後期爲血寒然有或前或後者將

忽寒忽熱乎大抵氣者血之母氣亂則經期亦亂故調經以理氣爲先

孕六七月因爭築著子死腹中惡露直下痛不能勝而

欲絕者佛手散主之

當歸三錢川芎五錢益母五錢水酒各半碗煎服停一二時再進一

服若胎不損則痛止而子母俱安旣損則胎下而母全矣

一胎不動而冷如冰卽非好胎若以不動言之好胎亦是伏而不動者何可遂斷其死胎也宜服順氣活血藥產後忌飲酒但服童便可也童便爲臨產仙藥暈眩敗血中心及血崩諸症倉卒不及備藥惟兒初下地時卽



與童便一盞庶免諸症之患一月之內日服一盞百病不生他藥皆不及此

產後百病三者最危嘔吐盜汗洩瀉是也三者並見其命必危數症並作治其所急見二凶多一症輕者無害產後陰血虛耗陽浮散其外而靡所依故多發熱治法用四物湯補陰薑通神明炮乾薑能收浮散之陽使合於陰故兼用之然產後脾胃虛損有傷飲食而發熱者誤作血虛則反傷矣故必先問曾食何物有無傷損有惡血未淨者必腹痛而發熱有感冒外邪者必頭痛而發熱若發熱而飲食自調絕無他症者乃血虛也可以

補血若胸膈飽悶噯氣惡食泄瀉等症只隨症治之要  
知腹滿而不痛者斷非惡血也莫誤

產後用益母草剉一大劑三兩濃煎去渣加芎歸末各  
二錢陳酒童便各一盞服之至再則腹痛血暈之患免  
且大有補益真治產之司總也此方又名奪命丹為產後聖藥

產後喜鹹愛酸而致咳嗽者必致痼疾終身須自慎之

家傳秘方有六簡易而神妙特奇世世寶之種子丸五

五日按益母草帶根陰乾為末煉蜜固胎丸條苓白朮為丸如彈子大每朝二九百日必效

三錢砂仁湯下連服保安丸五月五日取益母草去根數朝而胎可永安

子大孕八九月每朝一丸砂仁湯下服二三十朝必無倒產之逆催生丹益母草四兩焦白芷炒滑

石百草霜各二兩臨產服四錢芎歸湯送下益母丹既產用山查末三錢酒煎益母草湯陳酒和童便調下第一日三服第二日二服第三日一服第四第五日山查末減半第六第七日去山查末止服三味第八日併三味不服而坤元是保丹孕婦病則胎亦病而可疾不生矣歷驗坤元是保丹墮則多兩亡此方能御胎病使兩無恙青黛五錢伏龍肝二兩二味研末用井泥調勻塗臍上當孕處二寸許乾則再塗此丹止可施于傷寒極熱之症不可余家有傭婦葉姓陰戶概施者也切記切記慎之慎之墜下一物如初生孩兒頭臥則入腹立則墜於外行動不便深以為苦自云產後操作過早屢至河埠踞而洗衣致有此患墜下後產一男仍不能收俗名魚袋不知是否即子宮也此症初起若依丹溪法當或可療久則不能治矣

丹溪治產婦陰戶一物如帕垂下俗名產頰宜大補氣以升提之以參耆朮各一錢升麻五分後用歸芍甘草陳皮調之又治產婦陰戶下一物如合鉢狀此子宮也氣血弱故隨子而下用升麻當歸耆朮大劑服二次後以五倍子作湯洗濯皺其皮覺一響而收入

### 胎產

婦人經止三月以川芎末二錢煎艾水調服腹內覺微動是孕不動者非也此法婦科諸書皆載之然未可輕試余內人素患肝氣已丑歲懷孕三月服川芎末少許卽動甚不安是知成方不當泥也又方書佛手散用當

歸川芎各五錢水酒煎治胎動杭州儒醫嚴兼三茂才  
變謂此方暫服則安常服之則屢生而不育親驗故知  
之

秀水新塍鎮陳氏女科治胎前諸症戒用川芎以其能  
升易動胎氣也又言桂圓產後不可輕服味甘易令人  
嘔恐瘀血因之而升也余因思張景岳治胞衣不下用  
本婦頭髮攪入喉中使作嘔則氣升血散胞輒自落此  
法雖妙然或因作嘔而瘀血上升轉益爲害矣

蕭慎齋女科經綸謂妊娠十月而生其常也其有踰期  
者若唐堯之與漢昭是也若云二年四年則怪誕不經

矣

余按元史黃潛傳孕二十四月而生此必非虛歸者又  
仁和王學權重慶堂隨筆載王大昌語云老醫輔沛霖  
治周縫人妻經阻腹脹而硬服藥不效至兩年餘忽舉  
一子而脹病如失其子甚短小名曰關係余常見之云  
云然則胎孕閱數年之久亦事之所或有未可概以爲  
不經也

蔡松汀難產方用黃耆熟地各一兩歸身枸杞子黨參

龜板

醋炙

各四錢茯苓三錢白芍川芎各一錢無論胞衣

已破未破連服四五貼但用頭汁取其力厚也此方意

主補助氣血以爲服之者萬無一失馮楚瞻催生保產

萬全湯則用人參

三錢至五錢

歸身三錢

牛膝稍

二錢川芎

乾薑

炒焦

各一錢肉桂六分桃仁十三粒酒炒紅花三分

補而兼通謂不惟催生神效產後更無瘀血凝滯百病  
主蔡說者嘗馮方溫熱主馮說者議蔡方補滯竊謂馮  
方惟秉質虛寒者宜之否則必有遺患當以蔡方爲優  
孕婦服藥凡尋常所用如牡丹皮赤芍牛膝薏苡仁貝  
母半夏南星通草車前子澤瀉滑石槐角麥芽神麴伏  
龍肝歸尾

凡用歸身當去尾

龍甲龜板等皆忌之大抵行血利

氣通絡滲濕之品均在禁例故王孟英謂胎前無濕雖

茯苓亦須避之火酒椒蒜等皆不可食以其助火鍊陰也固胎之物南瓜蒂煎湯服最良勝於諸藥黃牛鼻煨灰同煎尤妙

泊宅編云一婦人暴渴惟飲五味汁名醫耿喝診其脈曰此血欲凝非疾也已而果孕以古方有血欲凝而渴飲味之症不可不知也按此說產科書罕見錄之以備診家之一助

江都葛晴峯自申醫易脈部謂孕脈以陽入陰中脈當

短促羅養齋以爲發千古所未發惜其書不傳

補脾散治產後交腸病因脾腸有損積穢凝塞故大小



便易位而出也補脾散甚效方用生黃絹絲一尺剪碎  
白牡丹皮白芨各錢半水一碗同煮如飴木槌研爛空  
腹時頓服服時不得作聲作聲則不效陳夢琴焚通其  
法用生黃絲絹白芨黃蠟明礬琥珀水捶爲丸猪脬一  
煮湯飲之尤精密可法

辨妊娠古人以形病脈不病爲憑沈金鼈更以嗜酸別  
之何西池又以胎至五月則乳頭乳根必黑乳房亦升  
發爲據辨胎男女古人以脈左大爲男右大爲女張路  
玉獨謂寸口滑實爲男尺中滑實爲女兩寸俱滑實爲  
雙男兩尺俱滑實爲雙女右尺左寸俱滑實爲一男一

女此皆扼要之訣也

陽湖史生

家俊

言其同鄉名醫周八先生診一孕婦左

乳脹痛謂左乳脹爲男右乳脹爲女後果生男余按千金方云左乳房有核是男右乳房有核是女又坤元是保以乳核先生驗左男右女殆卽此義歟

子死腹中古法用下驗之之法腹悶胸墜兼冷略無動意

口中穢面如土色舌色青黑是也治法服回生丹三丸

立下產母無恙如一時無此藥以平胃散

一兩生用經火炒不應

酒水各半鍾煎好入朴硝

五錢

再煎溫服卽化水而下

薛立齋云胎死服朴硝下穢水肢體倦怠氣息奄奄急

用四君子爲主佐以四物加薑桂調之蕭慎齋云胎死  
必先驗舌青腹冷口穢的確方可用下亦必先固妊婦  
本元補氣養血而後下之若偶有不安未能詳審遽用  
峻厲攻伐難免不測之禍保產要錄云卽不服藥人不  
慌忙逼迫亦遲遲生下而不傷母蓋人腹中極熱惟不  
忙迫產母安心飲食腹內熱氣薰蒸胎自柔輒腐死或  
一二日或三四日自然生下但所出穢氣令人難聞是  
可知死胎用下乃不得已之治法若產母病後及真元  
虛者尤當審慎程道承式醫殼治產婦氣血弱而胎死  
腹中者其症腹脹作痛一日不下其脈兩尺沈伏微動無神熬益母膏以川芎當

歸中桂葵子煎湯調服二三盞胎卽下其治最善吳鞠  
通治一婦死胎不下二日診其脈洪大而乳問其症大  
汗不止精神恍惚欲脫曰此心氣太虛不能固胎不問  
胎死與否先固心氣用救逆湯地黃麥冬白芍阿膠炙甘草龍骨牡蠣加入  
參煮三杯服一杯而汗斂服二杯而神清氣寧三杯未  
服而死胎下矣下後補肝腎之陰以配心陽之用而愈  
此又可爲治死胎者開一法門也

產寶云妊婦腹中臍帶上疙瘡兒含口中因妊婦登高  
舉臂脫出兒口以此作聲令妊婦曲腰就地如拾物狀  
仍入兒口中卽止王清臣駁之曰初結胎無口時又以

冷廬醫話

卷四

三

何物吮血養生然余觀程氏光治腹中兒啼傾豆於地  
令婦低頭拾之卽止又萬密齋治法令婦作男子拜卽  
止則知口含之說近似有理且惟有口始可含何得以  
無口時相比較況所謂含者乃在氤氲一氣之中非必  
眞吮血以養生也王說似拘

秀水計壽橋學博 補雅工詩深諳醫理尤精婦科自  
言診胎產症二十餘年凡大險大危者十中挽回七八  
皆以用補得宜不隨流俗以治標逐瘀爲先務也所著  
客廬醫話三卷婦科居其大半論墮胎難產最中肯綮  
錄之治墮胎往往用補瀉治難產往往用攻下皆非正

法蓋半產由於虛滑者半由於內熱者半得胎之後衝任之血爲胎所吸無餘血下行血不足胎必枯槁而墜其本由於內熱火盛陽旺而陰虧血益少矣治宜養血爲先清熱次之若泥於賦補反生壅滯之害至於產育乃天地生生化育之理本無危險皆人之自作也用力太早則胎先墜下舒轉不及胞漿先破胎已枯涸遂有橫生倒產之虞其治亦不外乎養血爲主血生則胎自出若誤用攻下之藥則胎雖已產衝任大傷氣冒血崩危在呼吸矣慎之慎之

齊氏翀三晉見聞錄云山西產婦旣產便餓不食物惟

以小米粥極薄日飲數回以一月爲率若旬日之內或食米麪或食雞豚則不可治安邑則旬日之內并不可睡

按產後因食傷致病而殞命者甚多飲粥之法最妙但不可使之餓要在一餓卽飲飲不可多而已至於旬日不睡未免爲期太多神氣疲憊吾鄉每令倚睡高枕傍以人守之寐稍久卽呼之覺閱四五日始任其睡此法較善

乳

勸行醫說又有論乳吹一條語亦詳盡并錄於此凡婦

人乳吹初起切勿先延醫治每見醫家治乳用黃色數藥調菊花葉塗之內服皂角甲末等味速其成膿待至紅未熟卽用拔鍼開入寸許復以手硬出毒其痛每至昏暈而血多膿少旣難內消復使其痛苦多時不能收口日久成漏腐爛纏囊致病者求生不能求死不得而待哺之兒亦將失乳斃命罪惡之重擢髮難數在醫者本意只求多次相延博取財物或冀症久求愈重索藥資而已亦知地獄中早虛左以待乎故乳吹乳癰等症初起只須內服消遙散及六神丸蓮房灰末福橘酒送外煎紫蘇橘核絲瓜絡川棟子當歸紅花川烏香附官



桂等水用手中兩方絞熱替換焗乳輕者乳散乳通如再  
不通須病人忍痛命一大嬰孩重吮下積乳隨卽吐去  
吮三五次無不爽利無庸延醫診視至於乳疽乳巖乳  
癖症情不一治法各殊是在名家息心體認以煎劑爲  
主尤非瘍科所能奏功矣